

Ingoa	Te whakamahi pāngarau hei whakatutuki i ngā hiahia toi tātai o ngā pūāhua whai take		
Kaupae	1	Whiwhinga	10

Whāinga	<p>Ko ngā ākonga kua whakawhiwhia ki te paerewa paetae nei, e āhei ana:</p> <ul style="list-style-type: none"> • ki te whakakaupapa i ngā pūāhua ki te pāngarau me te tauanga; • ki te whakamahi i te pāngarau me te tauanga hei whakatutuki i ngā wero o ngā rau pūāhua whaitake; • ki te tautohu i ngā āhuetanga ahurea-pāpori o aua pūāhua; <p>ki te whakawā i te tika o ngā whakataunga pāngarau, tauanga hoki.</p>
----------------	--

Whakaraupapa	Taihoa kia whakatau ai
---------------------	------------------------

Ngā tohu	Kua tutuki
-----------------	------------

Kōrero whakamārama

- 1 Ko tēnei paerewa, nō te huinga paerewa Reo Matatini, Toi Tātai me mātua kawē mō te New Zealand Certificate of Achievement (NCEA). Ka aromātai tahi tēnei paerewa me te [paerewa mō te reo matatini] i ngā pūkenga tūāpapa o te reo matatini me te toi tātai e whai wāhi tonu ai te ākonga ki te ako, ki te mahi, me ērā atu āhuetanga o tōna orange.
- 2 Mō tēnei paerewa nei, ko te *toi tātai* te āheinga o te ākonga ki te whai, ki te whakamahi, ki te whakamāori, me te whakawhiwhiwhi whakaaro pāngarau, whakaaro tauanga e taea ai e nga ākonga te uru atu ki etahi atu akoranga, whakawhanake i nga pukenga nui o te koiora, me te uru ki nga mahi me o rātau hāpori. Kei roto hoki i tēnei ko te mārama hoki ki ngā āhuetanga o te ahurea-pāpori kei roto i ngā pūāhua pāngarau.
- 3 E hono ana te paearo toi tātai mō tēnei paerewa ki ngā anga e toru e whai ake nei:
 - Ki te mutunga o taumata 4 me te timatatanga o taumata 5 o te Marautanga Pāngarau
 - Ki ngā whāinga whakamutunga o Tīrewa Ako Pāngarau
 - Ki te kaupae 5 o ngā Learning Progressions for Adult Numeracy (LPAN)
- 4 Mā NZQA te aromatawai i tēnei paerewa e whakarite. Ko ngā huarahi whakaatu taunakitanga, e whai ake nei:

- a. He kohinga taunakitanga ka puta i ngā marautanga katoa i te takanga o te wā (he kōpaki).
- b. He paepae matihiko.
- c. He Aromatawai Arowhānui, he mea whakarite e NZQA
 - a. He aromatawai wā-here
 - b. He kaupapa whānui

5 Ka whakaatu māramatanga ngā ākongā i tō rātau matatau ki ngā ngohe aromatai e tīpako ana i ngā huinga whakaaro tukanga (ngā whāinga) me ngā ihiranga pāngarau e whai ake nei.

- Ko te tere me te tāwariwari ki te whakaotioti rapanga e kawea ai he paheko tau, te mārama ki te rahi tauriterite o aua tau, me te whakamārama i te otinga i runga anō i te horopaki.
- Ko te mōhio ki ngā rau pānga o te pāngarau, me te whakamahi i aua pānga.
- Ko te mārama ki ngā āhukatanga o te mokowā me te whakaahuahanga o ngā taonga, me te whakamahi i aua āhukatanga.
- Ko te mārama ki ngā pūnaha hei whakarite i ngā tūwāhi me te tātai ara haere. Ko te whakamahi hoki i aua pūnaha.
- Ko te whakamahi i ngā tau me ngā waeine hei ine, hei whakaahua i ngā taonga me ngā pāpono hei rahinga, me te whakaawhiwhitanga tika mō te horopaki.
- Ko te mārama ki ngā tikanga tauanga, raraunga.
- Ko te whakamahi i te tūponotanga hei whakamāori i ngā pūāhua e mau mai ana he āhukatanga tūpono.

6 Ko te *pūāhua whai take* ko tētahi pūāhua e hāngai atu, e whai take ki te Akoranga, ki te ahurea, ki te pāporo, ki te kāinga o te ākongā.

Tipako me ngā paearu mahi

Tipako 1

Te whakakaupapa i ngā pūāhua ki ngā tikanga pāngarau.

Paearu mahi

1.1 Ko te whiriwhiri i te paheko, te whakaaturanga, te taurangi, te tikanga rānei hei whakatutuki i ngā matea pāngarau, tauanga o ngā pūāhua.

Tipako 2

Te whakamahi i te pāngarau me te tauanga me te whakamāori i te whaitake o ngā urupare pāngarau me te tauanga hei whakatutuki i ngā matea o ngā pūāhua whaitake.

Paearu mahi

- 2.1 Ko te whiriwhiri me te whakahāngai i ngā ariā tātai me ngā ariā tauanga e hāngai ana ki te pūāhua.
- 2.2 Ko te whakamāori i te whai takenga o ngā whakaotinga, o ngā putanga, o ngā aronga ki te pūāhua.

Tīpako 3

Te whakaaro whaitake me te whakawhitiwhiti kōrero, ā-pangarau nei, ki te reo Māori.

Paearu mahi

- 3.1 Ko te whakawhiti whakaaro pāngarau ki ngā kupu motuhake, ki te wetereo, ki ngā tikanga kupu e hāngai ana ki te pūāhua.
- 3.2 Ko te whakawhiti whakaaro pāngarau ki ngā ara kōrero rerekē (arā, ki te reo tuhituhi, ki te reo ā-waha, ki te reo ataata, ki te hangarau hoki)

Tīpako 4

Te tautohu i ngā tikanga ahurea-pāpori whaitake, e noho tūāpapa mai ana ki ngā pūahua pāngarau/tauanga

Paearu mahi

- 4.1 Ko te whakahāngai atu, ko te tūhono atu i te pāngarau me te tauanga ki ngā horopaki ahurea-pāpori.
- 4.2 Ko te whakapuaki i te pānga, i te whāinga rānei o te urupare pāngarau/tauanga ki ētahi pūāhua.
- 4.3 Ko te tautohu i ngā uara, ngā whakapono, ngā hononga me ngā kawenga pāpori e noho tūāpapa mai ana ki ngā pūahua tātai.